

Ugovorne strane:

MINISTARSTVO UNUTRAŠNJIH POSLOVA KANTONA SARAJEVO, Sarajevo ul. La Benevolencije broj 16, IDB/JIB: 4200220350006, koje zastupa ministar Admir Katica (daljem tekstu: Kupac) i

KING ICT d.o.o. Sarajevo, Aleja Bosne Srebrene 34, Sarajevo, ID broj 4201150250005, kojeg zastupa direktor Adis Pobrić (u daljem tekstu: Prodavac)

zaključili su:

UGOVOR

za nabavku stalnih sredstava u obliku prava-Produženje postojećih licenci i podrške za Cisco sigurnosnu opremu i softver na period od tri godine

PREDMET UGOVORA

Član 1.

Predmet ugovora je nabavka stalnih sredstava u obliku prava-Produženje postojećih licenci i podrške za Cisco sigurnosnu opremu i softver na period od tri godine za potrebe Ministarstva unutrašnjih poslova Kantona Sarajevo.

Ugovor se zaključuje u skladu sa uslovima iz Tenderske dokumentacije i ponudom Prodavca broj PO 10-019/23 od 17.11.2023 koja je sastavni dio ovog Ugovora.

Nabavka je izvršena putem otvorenog postupka na osnovu Odluke broj 01-11-4-5153 od 09.10.2023. godine i prema Obavještenju o nabavci broj 1364-1-1-56-3-68/23 od 27.10.2023. godine.

CIJENA

Član 2.

Cijena za stalna sredstva u obliku prava iz člana 1. ovog Ugovora, iznosi 55.000,00 KM bez PDV-a. (pedesetpetiljada i 00/100 KM)

U cijenu nije uključen PDV odnosno ukupna vrijednost ugovora sa uračunatim PDV-om iznosi 64.350,00 KM (šezdesetčetirihiljadetrinestotinedeset i 00/100 KM)

Ugovorena cijena uključuje, pored navedenog i sve zavisne troškove.

NAČIN PLAĆANJA

Član 3.

Kupac će Prodavcu izvršiti plaćanje ugovorene vrijednosti iz člana 2. ovog Ugovora u roku od 30 dana od dana isporuke i dostavljanja fakture.

ROK ISPORUKE

Član 4.

Prodavac se obavezuje da će isporuku izvršiti u roku od 5 dana.

U slučaju kašnjenja u isporuci roba, do kojeg je došlo krivicom Prodavca, isti će platiti ugovornu kaznu u skladu sa Zakonom o obligacionim odnosima u iznosu od 1%o naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Prodavac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

GARANTNI ROK ZA ISPORUČENE PROIZVODE

Član 5.

Prodavac daje garanciju na isporučena stalna sredstva u obliku prava u periodu od 36 mjeseci od dana isporuke.

Sve naknadne troškove nastale nakon isporuke predmetne nabavke, a koje se odnose na kvalitet koje je potrebno osigurati, osim šteta koje izazovu operateri Kupca, ili koji nastanu njihovim uticajem, snosit će Prodavac i sve takve eventualne isporuke bit će za Kupca besplatne i isporučene.

Član 6.

Prodavac je dužan u roku od 10 dana od dana zaključivanja/obostranog potpisivanja ugovora, dostaviti garanciju za uredno izvršenje ugovora u obliku безусловne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

OSTALE ODREDBE

Član 7.

Prodavac nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

Član 8.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i slično.

Strana u ugovoru pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 9.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova utvrđuje se nadležnost Suda u Sarajevu.

Član 10.

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

Član 11.

Ugovor stupa na snagu danom potpisivanja ovlaštenih predstavnika ugovornih strana i traje do obostrane realizacije.

Član 12.

Ovaj ugovor je sačinjen je u 4 (četiri) istovjetna primjeraka, od kojih po 2 (dva) primjerka zadržava svaka od ugovornih strana.

DOBAVLJAČ
KING ICT d.o.o. Sarajevo

direktor, Adis Pobrić



Broj: DEK-814-335
Datum: 23.11.2022

Broj: 11-4-5153-5
Datum: 23.11.2022